

Language: ILOKANO

Pakaammo iti Kaawan-Diskriminasion

Ti Departamento ti Edukasion iti Estado ti Hawaii wenno ti Hawaii State Department of Education (“HSDOE”) ket saan a mangdiskriminar wenno dina trataren ti tao maibatay iti puli, katatao, edad, maris ti kudil, pagilian a nagtaudan, relihion, wenno kaadda ti an-annayen ti bagi. Daytoy a pagalagadan, sakupenna amin a programa ken aktibidad ti HSDOE, agraman ti pannakayempleo ken pannakaawat a sumrek nga agadal iti pagadalan, no maikanatad.

Saan nga aponeran ti HSDOE ti panagibales gapu iti panagireport iti diskriminasion, ken aramidenna ti amin tapno masakniban dagiti agireport iti diskriminasion. Mabalina a yuman ti ania man a saludsod maipanggep iti diskriminasion iti Civil Rights Compliance Office ti HSDOE wenno iti Office for Civil Rights ti Departamento ti Edukasion ti Estados Unidos, iti uneg ti 180 nga aldaw manipud pannakapasamak ti maatap nga aramid iti diskriminasion.

Palawag iti Laban-iti-Pammutbuteng

Saan nga aponeran ti HSDOE dagiti aramid a pammutbuteng wenno intimidasion gapu iti puli, katatao, edad, maris ti kudil, pagilian a nagtaudan, relihion, wenno an-annayen ti bagi. Asino man nga estudiante a mamati nga adda mangbutbuteng wenno adda mangririribuk kenkuana gapu iti puli, katatao, edad, maris ti kudil, pagilian a nagtaudan, relihion, wenno an-annayen ti bagi ket makiddaw nga ireportna ti kasta a maar-aramid kenkuana.

- Mabalina nga ireport dagiti estudiante ken nagannak dagiti alegasion wenno ti panangpabasolda iti asino man nga empleado nga agar-aramid iti pammutbuteng wenno panagintimidar iti Civil Rights Compliance Office ti HSDOE iti adres a nailista iti baba, iti uneg ti 180 nga aldaw manipud pannakapasamak ti nasao nga aramid.
- Asino man nga estudiante wenno nagannak nga adda ammona nga adda sabali nga estudiante nga agar-aramid iti panangbutbuteng wenno panagin-intimidar ket masapul nga ireportna daytoy iti administador ti pagadalan.

Ipanamnama ti HSDOE ti pannakaaramid ti madagdagus nga imbestigasion. Ti suporta, agraman panangtarabay ken tulong iti panagadal ket maited kadagiti estudiante a main-intimidar wenno pakaar-aramidan ti panangbutbuteng, ken maited met laeng dagitoy a tulong kadagiti estudiante a matakuan nga agar-aramid iti pammutbuteng wenno intimidasion gapu iti puli, katatao, edad, maris ti kudil, pagilian a nagtaudan, wenno an-annayen ti bagi. Dagiti estudiante a mapaneknekan nga agar-aramid iti pammutbuteng wenno intimidasion ket mabalina a madisiplinaan, agraman ti pannakasuspensa wenno ti pannakaikkatda iti pagadalan, no kasta ti maikanatad. Nasken koma nga agtitinnulong dagiti estudiante, nagannak, ken dagiti empleado ti HSDOE tapno malapdan ti

pammutbuteng wenno intimidasion gapu iti puli, katatao, edad, maris ti kudil, pagilian a nagtaudan, rehion, wenno an-annayen ti bagi.

Saan nga aponeran ti HSDOE ti panagibales gapu iti panagireport kadagiti aramid a pammutbuteng wenno intimidasion gapu iti puli, katatao, edad, maris ti kudil, pagilian a nagtaudan, rehion, wenno an-annayen ti bagi, ken aramidenna ti amin tapno masakniban dagiti mangireport iti kakastoy nga aramid.

Mabalinyo ti agipulong iti:

Director

Civil Rights Compliance Office

Hawaii State Department of Education

P.O. Box 2360

Honolulu, Hawaii 96804

(808) 586-3322 wenno telepono para kadagiti adda diperensiana iti panagdengngeg wenno panagsao